

FORUM



Martha e Hannes von Toggenburg.

FOTO MAD

Ils nobels da Ruschein a «da cuminonza»

Ils nobels da Ruschein han num *von Toggenburg*. *Martha e Hannes von Toggenburg* fan part da quella famiglia ed ein burgheis da Ruschein. Els ein ils hosps dalla proxima occurrenza «da cuminonza a Ruschein» oz gievgia, ils 3 da november. Hannes ei naschius a Bozen en l'Italia, Martha a Bludenz el Vorarlberg. Els han omisduz studegiau medischina ad Innsbruck ed han menau biars onns ina pratica cumineivla a Buchs SG. Dapi ch'els ein pensiuinai ein els bein savens a Ruschein.

En la sera «da cuminonza» raquantan els da lur veta, dil Palais Toggenburg cun siu grond parc a Bozen e da lur activitad caritativa. Els vegnan era a tradir ina caussa ni l'autra da lur antenats. Igl urat da Hannes, ch'ei naschius a Ruschein igl onn 1765, ei vegnius nobelisaus dil retg franzos Louis Philippe igl onn 1832. Il

basat da Hannes ei vegnius tier gronda rihezia entras maridaglias ed il tat da Hannes, morts 1956, ha survegniu ina sepultura pompusa a Bozen perquei ch'el ei staus en sia carriera politica denter auter igl emprend deputau dil Tirol dil Sid a Roma.

Quella gada dat ei ina sera «da cuminonza» per tudestg e beinvegnidas ein secapescha buca mo personas da Ruschein, mobein era d'ordeifer. L'entrada ei gratuita e suenter l'occurrenza vegn offeriu dils Toggenburgs in pign apero.

Maria Cadruvi

«Ein Abend mit Martha und Hannes von Toggenburg».
Gievgia, ils 3 da november 2022 allas 20.15, Casa da scola Crestas, Ruschein.

Dapli sin www.dacuminonza.ch